



江北運程卷二提綱

順天東路廳通州歷香河縣至武清縣境

通州內引通惠外濱漕河倉場駐劄糧艘駢集之所

自城北石坨起

坨前自北來入運者溫榆河水也

一里半 右岸 土坨 通州

三里半 右岸 東嶽廟 通州

三里 流水溝 通州

三里 左岸 楊家坨 通州

江北運程

卷一

提綱

六里 左岸 郝家鋪 通州

三里 左岸 姜家場 通州

四里 右岸 小神廟 通州

三里 黎辛莊 通州

二里 左岸 劉各莊 通州

一里半 老隄頭 通州

三里半 康家溝北口 通州

六里半 左岸 武家寨 通州

二里 左岸 崔家樓 通州



六里左岸謝家樓通州

二里左岸馬房通州

六里左岸小屯通州

五里右岸供給店通州

五里右岸榆林莊通州

三里右岸長陵營通州

八里右岸馬頭通州在故潮縣城之東

九里半左岸和合站通州

三里左岸呂家灣通州

江北運程 **卷二** 提綱

二里左岸楊家窪通州

四里右岸王灰莊通州

一里右岸高莊通州

二里右岸魯家務通州

四里左岸扳營口通州 香河

右自石埧起至扳營口白河行通州境計程一百三里下

入香河縣界

白河行香河縣自扳營口上接通州入境起

二里 西望莊香河

四里右岸陳辛莊香河

五里左岸石灰廠香河在香河縣城之西

七里右岸王家樓香河

三里右岸王家擺香河

五里左岸張家莊香河

一里左岸華家口北頭香河

二里左岸紅廟香河武清

右自扳營口起至紅廟白河行香河縣境計程二十九里

下入武清縣界

江北運程 卷二 提綱

江北運程卷二

甘泉董恂醞卿甫輯

順天東路廳通州歷香河縣至武清縣境

通州內引通惠外濱漕河倉場駐劄糧艘駢集之所

鄭元慶小谷口蒼葢通州在京城東四十里秦屬漁陽郡漢

置潞縣以潞河得名後置潞郡唐五代遼皆為潞縣金為通州

取漕運通濟之義至今不改

國朝寶蓋閣通州志詩滹潞源流朔瓜區亦豆分幽并尊地勢箕尾仰天文佛古燃鐙著見香誕聖聞喜看名宦傳如得

善良薰自注燃鐙佛塔舊傳夕有佛鐙與孤山塔鐙相續明陳太后為通州陳景行女生有異香香兒衛衛即其故里

天清會典大通河舊為通惠河其源出昌平州白浮村神山泉

江北運程

卷二

一

過榆河會一畝馬眼諸泉匯為七里灤東貫都城由大通橋而

下至通州高麗莊入白河凡一百六十餘里自大通橋至通州

石垠四十里明副書大通河即潞河倘按大通河不名潞河詳見下舊為通惠

河其源出昌平州白浮村神山泉過榆河會一畝馬眼諸泉匯

為七里灤東貫都城由大通橋而下至通州高麗莊入白河長

一百餘里元初所鑿賜名通惠吳邦慶水道管見大通河即通

惠河源自玉泉山之玉泉口水源頭亦名玉河東流出山曰裂

帛湖其下為西湖即今昆明湖則有丹稜水高梁河官河及龍泉雙

泉青龍諸泉入之又東流逕圓明園暢春園南又東流逕

廣源白石高梁激清諸牖。出青龍橋下。其長五十餘里。至都城西北隅。分爲二支。一支環京城爲濠。一支由德勝門水關入於皇城。穿流至東便門水關合流。又東流出大通橋下。東抵通州。爲四牖以節宣之。

曰慶豐牖曰平津上下牖曰普濟牖。

一自舊城西水門流

入城內。至東水門出。一自新城西門外繞新舊城南。折而東北。乃合流至張家灣。城東門外入北運河。通州志。通惠河經大通橋至通州。一自舊城西水關入城。至東水關出。繞城南流。至南浦牖。瀉水至張家灣。入運河。其土垠運漕至中西兩倉水道。卽由此。一自舊城西水關分流至北門外葫蘆頭。是爲石垠。又從滾水垠瀉入運河。其石垠運漕至京倉水道。卽由此。一自新城西門外南流。過新舊城南門。出南浦牖。與東水關繞城南流之水會入運河。

江北運程

卷二

二

元蒲道源祭通惠河神文。維神主司靈源。不溢不竭。安其波濤。利我舟楫。何以報之。牲酒肥潔。神其鑒茲。永永無斁。 明張璠楊一清翟鑾侍駕汎通惠河聯句。落日秋風好放舟。已過三牖順安流。恩沾賜宴流瓊瓊。老愧忘機。白鷗遠餉。由來歸水國。上游從此重神州。觀風不是耽盤樂。莫訝今年兩度游。按起二句原注。璠犬一清次鑾收二句璠。 徐階夏日游通惠河詩。頗憶三江遠。乘流意若何。水深秋氣入。樹密雨聲多。熟果當尊。落液驚禽拂棹。柳陰催繫纜。鼓枕聽漁歌。 國朝賽爾赫放舟通惠河。再至潞郡。詩吹袖涼風起。白蘋荻芽蒲葉逐。時新頻看煙景忘。陳迹近識鳧鷖是。故人草色踏殘隄。上月柳陰閒息夢中身。愛他脈脈長河水。不遇桃花亦問津。 德齡大通河詩。山斷得平路。搖鞭渡大通。千峯晴入

畫。一水淡涵空。狐兔營深窟。鷹鷂識順風。慚無綬遠畧。觀獵賦徒工。寶蓋大風濟。通惠河詩風。急浪花鳴雲。帆指潞城黃。飄溪荇。豔翠偃激蘆。平所仗。惟忠情。同流總潔清。白鷗方穩睡。可有夢魚情。

日下舊聞考。漕河距今州城半里許。恂按漕河。卽運河。自通州至天津。謂之北運河。通稱潞河。亦稱潮河。其上游則白河也。白河上源則有沽河。畿輔安瀾志。北方諸水。惟沽河源流最混。其

名稱亦亂。以其下至通州合東西二潞水。故謂之潞河。杜佑通

郡檀州密雲縣。有潞水。自塞外流入。明統志。潞水自塞外丹花嶺合九泉水。南流。逕密雲縣東北。以其與潮河

合。故謂之鮑邱水。亦曰潮河。太平寰宇記。潞縣潞河。一名沽河。一名鮑邱水。北自檀州密雲縣流

入。方輿紀要。白河。亦曰鮑邱水。亦曰大榆河。又白河卽潮河。又以其與白馬關入之白河合

江北運程

卷二

三

流於石塘嶺。故又謂之白河。方輿紀要。白河。亦名潞河。亦曰沽水。水經。鮑邱水出禦夷北塞中。志

云。河兩岸皆白沙。不生青草。故名畿輔通志。白河。古沽水也。亦曰潞河。又沽河。亦曰白河。要皆非其本名也。

說水者。當以漢書地理志水經注爲據。漢書地理志。漁陽郡。漁陽。沽水出塞外。東南至

泉州入海。行七百里。桑欽水經。沽河從塞外來。酈道元水經注。沽河出禦夷鎮西北九十里。丹花嶺下。漢志水

經注。惟有沽河之一名。別無他號也。其合潞處在下尾。安得卽

以追被上源。且其與潮河合處。舊在順義縣北二十里之牛欄

山之東麓。今改於密雲縣南十八里。明嘉靖中。邊絕之不使入

順義縣。欲水勢盛漲。以通密雲餉道故也。恂又按陸隴其畿輔

八府地圖記言。白河。又名潞河。在密雲縣南十八里。自密雲過

懷柔順義通州香河武清。至天津三岔口與衛河合流入海。會
典直隸水道圖說言。白河上源曰龍門水。出宣化府。合獨石水
盤道口河。東經長城。至順天府。合潮河七渡河沙河。通惠河龍
河爲北運河。一支東出爲減河。入於海。正渠又合鳳河而南。西
與東淀會。南與南運河會。入於海。又順天府水道圖說言。白河
自宣化府東南流入邊。折南流。經密雲縣西南。潮河自承德府
東南流。經古北口入邊。折西南。經密雲縣東來會。又經懷柔縣
東南。七渡河自其西北注之。又經順義縣東南。沙河出昌平州
西北山。東南流。經州南。又經京城北順義縣南來會。又南。會通
惠河。又經通州東而南。會龍河。是爲北運河。又東南經香河縣
南。東出一支。津曰減河。東南流入於海。正渠南流。經武清縣東
南。會鳳河。又南。西與東淀會。南與南運河會。接天津府界。黃宗
義今水經言。白河上流自宣府城東北三百里雲州獨石東南
流。逕古北口。至密雲縣西。黃花鎮川河西來注之。黃花鎮川河。源自塞外。流
入黃花鎮。逕昌平。至懷柔縣。入於白河。白河又東南。逕順義縣東。潮河東來注之。
潮河在密雲縣東南。下流至順義縣。入於白河。白河逕通州。至武清縣東南。爲直沽。下
流會衛河。爲丁字沽。入於海。通志畿南河渠通論言。海河左受
者曰白河。卽北運河也。亦曰潞河。源出宣化府龍門縣東滴水

江北運程

卷二

崖東流入密雲縣之石塘嶺。過縣西入通州界。其支流亦從石塘嶺過懷柔縣西順義縣東入通州東境合焉。東南徑潮縣武清縣東而入直沽。合衛河入海。又白河徑靈蹟山黃花鎮川河入焉。又南徑牛欄山東麓。潮河流合焉。又南徑順義縣東門外。白河發源塞外。自石塘嶺白馬關入。故曰白河。赴通州北關。與溫榆河合。卽運糧河。性悍多沙。遷徙無常。俗稱爲自在河。王善櫛畿輔治水策言。白河卽北運河。亦曰潞河。亦曰沽水。亦曰白遂河。源出宣化府龍門縣。經密雲縣。赴通州北關。與溫榆河合。源高勢峻。至天津三岔口。與南運河會。迨大沽口入海。大沽口。

江北運程

卷二

五

卽大直沽也。土人謂之海門。以上說白河原委。諸本互有詳畧。又蔡新直隸河圖說言。從遵薊而西爲順天府。其水則有潮河。白河。潮河自古北口入。白河自獨石口入。會密雲。由潞河至通州。合畿輔以北諸水。經北運河。東南行至天津三岔河口入於海。據此。則白河未會潮河之先。不得被以潮河之名。白河潮河未會潞河之先。不得被以潞河之名。亦猶白河潮河潞河諸水未抵通州以前。不得被以北運河之名也。乃白河潮河潞河前人往往通名之。并以白潮潞諸名追被白河上源之沽河。惟通州以北。非漕運所經。不得以北運河名之。則曉然耳。又明副書

謂大通河卽潞河。考昌平山水記：白河出通州爲潞河。畿輔安瀾志：白河入通州北境，自此以下通得潞河之名。據此則潞河實白河之下游。若源自神山泉之大通河，亦因其入白河而並以潞河之名追被之，則不考之甚者也。齊召南水道提綱：白河上源有二，東北曰潮河，源出古北口外西北御馬廠地南大山，兩水東南流而合。又東南有一水自西北來會。又東南至近邊有鶴鶉溝，水自東北來注之。又東南有巴克井水，自東北來合一水注之。水在古北口外巴克井營之西，三叉口之東。一水東南自兩間房西流合注潮河。南入邊古北口之西，折而東南流，有一水東北自土牆入邊來注之。水在兩間

江北運程 卷二

房之南西南流入邊，經司馬臺北及南臺北入潮河。又折而西南流，經南臺西南，有一水

自東來會。水東出鞍子嶺，西南山，西流入燒香谷口。經新城及司馬臺南臺之南，西會潮河。西南經石

匣營南，又西南至密雲縣城東北，有一水自東來注之。水二派東自邊

外流入止水谷口而合，西流經鎮羅營及丫髻山北，又西入潮河。又西南經縣城東，又西白河

自北來會。白河源出赤城縣東邊外五郎海山西麓，西南流入

邊城盤鹽口，經甯遠堡東南，有獨石水自西北來。龍門水自西

來合，而東會於甯江堡北。獨石水出獨石口，南流百里，經赤城縣城東北，又東南有一水，西北自鎮

甯堡東南流，經縣城南，而東南會獨石水。又東南五十里，龍門水自龍門縣城南，東流來會，入白河。又屈曲經靖

安堡西，又東出東河口邊外，又東北折而東南流，有三小水自

北來俱注之。南直懷柔縣正北又東南入邊古道谷口。經高家莊北。折

而南流。有一水自北來會。水北出邊外兩派合。東南流入白馬關西之白崖谷口。又南而西南入白

河。又南一水自西來注之。水出邊外。東流入小水谷口。入白河。又南經密雲縣城

西而南與潮河會。白河之源獨石水最遠。既會潮河。西南流。經懷柔縣東

南有七渡河自西北來會。七渡河。西北出四海冶。東南流。經懷柔縣西南。又東南流。有二水自縣東

北來注之。又東至牛關山東。入白河。乃折而南。經順義縣東。又南至通州東北有

沙河自西北來會。沙河。出昌平州西北之居庸關。即溫餘水。亦曰榆河。東南流。經南口東。又東南。有一水自

西來會。又東南。至州南之沙河城。有一水自西來會。又東流。有

一水北自州城之東北。東南流。注之。又東。一水自北來會。又東南。至宛平北境。海淀水自西南來

江北運程

卷二

來會。玉河。源出玉泉山。東流。經大內。出都城。東南注大通河。繞城南而東。至高麗莊。入白河。即元運河也。亦曰通惠

河。南經通州城東而南。折而東而南。俗稱古潞水。至張家灣東

南海子中。舊有桑乾支水。於此東北注白河。又折而東而南。經舊灤縣北。折而東。稍

北。經香河縣西。又東南。經河西務東。又東南。經武清縣東南之

南蔡村。又折而東而南。而西。至楊村東。又東南。至天津府西北

之西沽。桑乾河自西北來。合拒馬。淶易。南及子牙河。皆東流來

會。又東南。南運河自南合漳水。滹沱。東北流來會。經府城北。又東

南至大沽北。新河南入於海。畿輔安瀾志。白河。其上源沽河也。

源出宣化府赤城縣北。獨石口邊外。一日隄頭河。一日獨石泉。

自上都牧廠南其北與正白旗察哈爾牧廠交界南流逕獨石口同知屬之馬神廟又南流十里逕喇嘛洞又南流二里逕棠梨溝則有九泉水注之又南流五里逕神明鏡溝又南流六里逕龐家窯又南流四里逕滅虎溝又南流四里逕北柵口入邊城又南流五里逕獨石城西北則有西柵口之水自西北來注之又南流五里逕獨石城南之獨石神廟前與東柵口水合卽大砦溝河也疑卽大谷水又有紅山水自口外流入之二水合流而南獨石水大谷水也十八里逕頭堡子西又南流十里逕半壁店西又

江北運程

卷二

八

之水自北來注之又南流十里逕舊站堡西出龍門峽是爲龍門川有君子堡水合松樹堡水會於羊房堡與暖泉合流自西北來注之又南流八里逕關門口則有鎮安堡之水自北來注之又南流七里逕黃土嶺則有夏家村乾河自北來注之又南流十五里逕赤城縣東繞城而南則有大石門之水東南流逕左右二所堡合水泉又合湯泉水流逕城南曰赤城河又南流十三里逕老幼屯則有翦子嶺之水合浩門嶺水自西來注之又南流七里逕柳林屯東又南流十里逕樣田堡西則有樣田河自龍門所合紅石井水西水泉水自東北來注之又南流十

里。逕上馬鞍山。又南流五里。逕下馬鞍山。又南流十五里。逕合河塞東。則有龍門河。自龍門縣西來注之。卽古陽樂水也。有乾河八道。曰黃草梁河。三賢廟河。北柵口河。金家莊河。翦子嶺河。浩門嶺河。周家溝河。長安嶺北河。皆入焉。通名之曰南河。折而東流。逕河西堡北。則有白龍潭水南來注之。又東流十五里。逕青羅口南。又東流十里。出滴水崖下。又東流逕堡南門外。又東流二十里。逕甯遠堡北。甯遠堡南。則有長伸地水。自北來注之。又東流五里。出境。屈曲流逕延慶州屬之靖安堡。出邊牆外。共長二百一十五里。又東流入二道邊垣牆之白河口。塞垣東盡之口也。迤西接長元口。迤東則四海冶口。又東從石塘路與白河支分邊外之一支會。其支分之一支亦出獨石口邊外。流逕鎮安堡東北。一名白遂河。轉爲白嶼河。亦曰激水。又名白狼河。俗稱自在河。亦謂之白漕。又謂之北河。或云水從白馬關入。或云兩岸不生青草。故名。對通惠河而言。又呼爲外河。或以爲對黑河而言。故曰白河。其以爲卽古孟廣礪水及以爲發源滴水崖及霧靈山爲潮河川者。非也。其水南流與黑河川水合。折東流。與延慶州之溪水合。又有四海冶海子溝之水。合珍珠泉水入之。又東流。逕十道河千家店。又東流與湯河合。又東流入喀

喇河屯屬之寶山寺折西東南流逕白馬關合白馬關河馬家

峪河水峪河入石塘路與沽河正流合於石塘嶺自下沽河兼得白河之稱矣屈而西流逕渤海所西又南流逕密雲縣西則

引河入焉又南流逕密雲縣南與潮河合又南流逕懷柔縣東又南流逕縣東南境則有雁溪河自西北來注之白河之支又

爲疊道洩水溝又南流逕靈蹟山則有黃花鎮川合小泉水亦自西北來入之又南流逕順義縣東北境則有東府村泉入之

又逕牛欄山舊與潮河合流處也又南流逕縣東門外有清河會沙河入焉白河南流入通州北境自此以下通得潞河之名

江北運程

卷二

十

矣水經注沽水又南流逕安樂縣故城東俗謂之西路水也又

潞河也冒平山水記今謂之北運河也畿輔通志白河即北運河

俗又呼爲外河又南流逕通州舊城北關石垣外則有富河之

水自西北來注之水經注沽水又南濕餘水注之河防志白河

流是爲潞河畿輔通志富河在通州西北即古濕餘水也誤爲

溫榆河亦曰榆河源出昌平州由順義縣界至通州東北八里

西浮橋下與白河合霍案此即又有通惠河之水自北流合焉

亦曰通濟河潘季馴河防一覽白河會榆渾諸河至張家灣總

地理志通州西有通惠河西南有渾河即桑乾河塞州東張家灣俱合於白河又河渠志白漕者即通濟河源出塞地經密雲縣霧靈山爲潮河川而富河督口河七渡河桑乾河三里河俱會於此名曰白河南流逕通州合通惠及榆渾諸河亦名潞河

謹案明史河渠志。正統三年鑿河西務二十里。河成賜名通濟。而金時先有通濟之名。亦卽漕河也。漕河南用衛。北用白。此河以濟運。故謂之白漕也。又南流。逕舊城東。穿城而出。又南流。

逕新城東。環城爲濠。

畿輔通志。通州又有新城。在州西城外。明景泰初築。萬曆二十二年。戶部郎中于士

廉周視兩城隍。並可爲池。請引通惠河注之。詔濬三千三百餘丈。加深二尺許。廣視深四倍。

元傳若金。潞縣舟中寄楊上舍詩。二首。買得吳船繫柳根。潞河新雨過黃昏。都門只隔煙中樹。一夜尋君若夢魂。春風亭

館看花時。自變新聲教柳枝。只恨秀娘空第一。不曾歌得斷腸詩。陸顒潞河詩。久住頻看雪。天寒未見花。經年常在客。

聽雁忽思家。春重眠多夢。年侵鬢有華。何由遣懷抱。惟仗醉流霞。明謝遷曉發潞河作。千里鄉心逐雁飛。晨光初動尚

熹微。送迎深愧勞賓從。今昨何煩問是非。自在沙鷗眠岸迴。凋零霜葉掛林稀。十年京洛歸來晚。猶喜緇塵未染衣。

宏道潞河舟中和小修別詩。次韻。小艇煙江雨。長隄柿葉霜。一洲魚子市。千樹木奴鄉。客去尋空谷。書來話酉陽。繁華銷

江北運程

卷二

七

枕上。家近呂仙堂。林春澤出都。次潞河作。朝發都城闔。夕宿潞河舟。雁落沙渚淨。霜降菰蒲秋。天寒節物換。河漢曉夜

流。回望郭隗臺。黃金不可求。廢興已陳迹。懷古心悠悠。陳師潞河舟中作。夾岸垂楊青可憐。出門仍是葛衣天。鄉書不

到東吳雁。客夢重尋潞水船。季子貂裘無那敝。王喬舄舄幾時旋。年來作客渾南北。囊底曾無貫酒錢。箭霄潞河舟中

作潞水經。年別風塵又覺非。岸蘆迎棹舞。檣燕掠人飛。澤國魚梁竭。江城候吏稀。人煙沙草外。一縷起斜暉。潘恩潞河

晚泊詩。水宿鼉龍窟。波翻蘆荻風。漁燈然夜月。客思渺秋空。人似長卿病。途非阮籍窮。平生霄漢志。進止任飄蓬。范空

復潞河作。扁舟發潞河。駕言返舊服。津路多邇迴。舟行往如復。回首黃金臺。宛然猶在日。仲春天氣和。新鷺上喬木。青葱

布邱甸。牛羊散平陸。緬懷滄洲間。栖遲動信宿。范言詩。煙沙潞河晚。客思奈愁何。殿閣天非遠。江湖夢已多。月憐清夜

柝。風想早朝珂。短燭傾燕酒。孤篷聽楚歌。黃鳳翔告歸發。潞河作。方朔木吏隱。相如常病渴。明時許乞身。初衣辭魏闕。

萃車逐扁舟。長河接溟渤。舳舻爭唱呼。鷗鷺閒出沒。帆影日外落。津頭棹歌歌。舉酒酬暮雲。卷簾對夜月。悠然萬里心。頓

與江天豁。沈啟源潞河留別錢給事詩。扁舟南下更依依。兩地含愁共落暉。欲別他鄉手頓執。每思故里夢先歸。黃金臺上龍媒老。白鷺洲前雁影稀。縱說江城春色早。可同帝里遍芳菲。吳鵬潞河發舟詩。解纜吹笳鼓。青春萬里行。煙籠隄柳密。江渡野鳧輕。獨立思王事。無才補聖明。悠悠今古意。祇聽五絃聲。胡應麟潞河東郊同胡生踏青卽賦春色三分二已過空門相逐問維摩。新紅破萼盈高樹。淺綠迴莖上細莎。雪裏袈裟留絕域。風前杖錫度恆河。頽然一飽香廚飯。坦腹繩牀話貝多。郭諫臣潞河舟中夜作夜泊潞河驛朔風時送寒濤聲。走沙磧。月色映江干。獨酌意何遠。高吟興未闌。南歸歲云暮。白髮擬承歡。盛鳴世七月八日潞河舟中別長安諸子詩。天漢龍初返。星橋鵲乍分。隔河收片雨。宿浦有殘雲。復作孤舟別。兼悲一葉聞。相看此時恨。不獨在離羣。屠隆潞河晚泊詩。迴浦落帆盡。長隄帶郭斜。暮煙平吐樹。春雨薄沈沙。白艇藏漁市。黃茆覆酒家。一瓢雲水外。不復問年華。國朝博爾都潞河曉發詩。畫鷁鳴晨鼓。荒隄起曙鉦。推窗看月臥。挂席破煙行。村遠連沙白。林昏接水平。翛然心意靜。真覺萬緣輕。賽爾赫潞河舟中詩。樹暗芳臯玉滿川。

江北運程

卷二

三

初成小憩覺安便。半竿餘景穿雲日。十里輕風下水船。偶憶交游如隔世。暫驅塵事卽登仙。年來會得逍遙意。三復南華第一篇。曹寅渡潞河題壁詩。水清沙闊岸無塵。策馬東來此問津。楊柳青青隔春浦。晚風愁殺渡河人。陳景元潞河詩。潞河迂折草芊綿。不到茲方三十年。懷舊默傷潘岳賦。登仙重上李膺船。滿天碧色孤鴻去。帶平沙落日圓。水入江南客江北。那堪回首向風煙。又重過潞河詩。秋氣茫茫白。荒城故故斜。岸散風落石。湍激雨頽沙。舊日烏衣巷。多非王謝家。殘年臨水國。重見長蒹葭。託庸潞河送人赴陝詩。潞河水合悲風生。欲曙不曙烏飛鳴。寒山歷歷路不盡。班馬蕭蕭君獨行。公孫閣下正延士。博望城西方用兵。此去知君未卽返。月明空有相思情。陳廷敬潞河見月寫懷詩。明月生海上。蒼茫東海東。仙人亦悵望。吾意偶然同。信宿萬里始。離塵千慮空。夜來摩尼色。似已淩清風。李霽桑河道中詩。霜日曉初鮮。籃輿破野煙。遺叱悲雁戶。故轍識桑田。笳鼓駝聲送。旌幢虎旅唱。武功方未已。行役自凄然。田雯偶登潞河城樓詩。晚唱村邊笛。高竄塔頂鴉。日黃莎草短。樹綠酒旗斜。畫戟將軍幕。風颿使者槎。津門三百里。湖上擁晴霞。邵奎

壁潞河春泛詩欲訪酈亭跡。沽河更向西。輕舟融雪水春色。
澹沙隄鷗鷺隨人遠。壺觴信客攜。愁攀楊柳綠。卅載此羈栖。
徐寶善重經潞河奉寄王東江師詩八月乘槎北斗邊潞
河風景故依然。傷心歸夢六千里。回首浮雲十五年。霜曉烏
嘯淮浦月。秋高雁入楚江天。如何講學河汾罷。官冷還輸老
鄭虔。厲同勳自潞河因公至京詩閉衙兩月阻清游郭外
肩輿且豁眸。雪積遠山雲一色。冰開春壑水爭流。官新朝右
纔青眼。客舊宣南尚黑頭。負我朋樽雙印綬。公餘不敢故勾
留。又雨後赴潞河舟次作兩三點似黃梅雨。忽訝江南景
又逢。城曲池塘莎草。輒井陰門巷。棗花濃。水流迅速如奔馬。
雲過蒼茫欲見龍。恰好船窗新霽後。青山隄外露重重。譚
廷襄潞河舟次懷友詩潞河春水綠。云一葉舟輕蹙浪紋。
蟾影共明千里月。雁聲遙隔萬重雲。扶搖直指淮南路。迢遞
空懷冀北羣。無限離愁消不得。那堪飛絮日紛紛。高麗李
尙迪潞河雜懷詩二首一帶河流喚渡遲。夕陽金碧畫淋漓。
青簾簫鼓連商舶。黃葉樓臺感酒旗。戴笠乘車前渡客。登山
臨水薄寒時。坐看沙市饒魚鱉。節物依然故國思。吳粵燕齊
遍所親。談經脫劍。悵前因。聚星太史書中客。落月春明夢裏

江北運程

卷二

三

人可是風流。追昔日無端感慨。又蕭辰。
蒼茫秋水蒹葭岸。腸斷寒潮六六鱗。

日下舊聞考倉場總督帶戶部侍郎銜滿漢各一人。專司漕政。

通州京城各有衙署。恂按倉場京城署在崇文門外通州署詳下。每年以春月駐通。

冬月回京署治事。坐糧廳滿漢各一人。以六部司員充之。通州

志倉場總督署。在州新城內南門東。卽舊尙書府總兵府改建。

坐糧廳署。在州新城內西察院東。卽舊忠瑞館。

恂按各省軍船。山東四衛二所。德州衛臨清河衛濟甯衛東昌衛
濮州所東平所計十幫共漕船

六百四十六隻。河南協運三衛二所。山東德州衛臨清河衛江南徐州衛
直隸通州所天津所計十幫共漕

船三百七十一隻。江安十五衛。江淮安衛武衛安慶衛新安衛建陽衛
宜州衛淮安衛大河衛揚州衛鳳陽衛

長淮衛廬州衛滁州衛泗州衛徐州衛計蘇松四衛。蘇州衛太
四十九幫共漕船二千五百六十一隻。杭州衛甯波衛紹興衛
衛鎮江衛計九幫共漕浙江七衛四所。台州衛温州衛處州衛
白船六百五十七隻。

嘉興衛海甯所金衢所嚴州所湖州所計江西三衛六所。南昌
二十一幫共漕白船一千零六十七隻。

州衛贛州衛吉安所安福所撫州所廣信所鉛湖北五衛一所
山所饒州所計十三幫共漕船六百三十六隻。

武昌衛武左衛蘄州衛黃州衛襄陽衛湖南五衛。荊州衛荊左
德安所計三幫共漕船一百八十隻。

陽衛岳州衛計三幫共通計一百一十八幫六千二百九十六
漕船一百七十八隻。

船。內江廣幫每船帶三百石撥船一隻共撥船九百九十四隻。
按此亦就恂主戶部雲南司稟時言之與戶部則例漕運

全書漕運則例歲自各省水次受兌舳舻銜接運抵通州
纂數俱小異。

自城北石埧起。

江北運程 卷二

古

日下舊聞考石埧在州城北一里許畿輔安瀾志大通河逕通

州南門外。循按此城外正支由新城西門外逕新舊城南門外
運糧橋在舊城南關跨城河南浦浦橋在城南跨大通

河有又東流抵葫蘆頭石埧。循按此分支由永通橋之東來至
舊城西水關又分流至北門外葫

蘆頭傅澤洪行水金鑑自大通橋起至通州石埧四十里地勢高

下四丈中間設慶豐等五牐以蓄水通州志石埧在州城北關

外明嘉靖七年置京糧由此盤入通惠河由普濟平津慶豐等

牐遞運至大通橋以實京倉國朝因之近埧號房共一百間

畿輔安瀾志乾隆四十九年石埧南埧臺磯心草埧改築灰土

護埧通州志減水牐在州北門外裏河葫蘆頭康熙三十六年

置卽今葫蘆頭滾水埧也。故又名新滾水埧。又滾水埧。明崇禎十年。戶部郎中馬禎。於天橋西開隄。瓮口覆以長橋。卽蓄洩陂也。州判李炳。石埧須知云。裏河滾水埧。在各牖者。慶豐一。平上一。平下及普濟各二。普濟至葫蘆頭。三。南浦一。凡十處。因地制宜。自明迄今。建置不無後先。要以蓄洩陂爲鼻祖。云。漕運全書。石埧州判。坐糧廳。轄石埧軍糧經紀一百名。白糧經紀二十五名。戶部則例。石埧軍糧經紀承管石埧裏河撥船一百隻。石埧二十四隻。普濟牖二十隻。平下牖十五隻。平上牖二十二隻。慶豐牖十九隻。通州志。石埧下袋廠。在裏河沿。存貯新袋。以備起米。其上袋廠。則在大通橋旁。各倉回空袋。暫貯上袋廠。空船隨時帶回。交下袋廠備用。石埧掣斛廳。舊名督儲館。爲州判督漕公廨。每年南糧抵通。移駐於此。

江北運程

卷二

五

國朝李炳。石埧須知序。朝廷設官分職。各有攸司。上自公孤。卿尹。卽降而至。於抱關擊柝。亦俱有名義可考。以得其職事之所寄。顧名思義。烏容已矣。判官故開曹無事。而屬通州者。分管石埧。兼河務。百家經紀。歲自通惠河轉運東南。漕白三百數十萬石。由石埧司權量。較盈絀。督運以實。京倉兼以張灣。河汛迎溜。頂衝舊築。土隄長若干丈。外又建板埧。長若干丈。以資保障。第水陸交衝。人煙輳集。蹂躪甚於他汛。南船來往。停泊埧外。篙眼積如蜂窩。板埧持撐。亦險於他工。任甚重哉。余自金匱左遷。州判官。乾隆庚寅。奉簡命。需次畿輔。越明年辛卯。攝篆。未得補。迄今又八年矣。仍膺

是職。藐爾微員。當此重寄。其何以竭蹶圖報。以期無負委任之意耶。爰考州志。漕運則例。及元明諸史。國朝會典。通志諸書。凡與石埧相維繫。分沿革。以重國計。較盈絀。而裕軍儲。與夫判官之職事。專責成。以重考課。杜影射。而防盤踞者。條

分樓析錄爲是編如負之在背無或釋也如田之有畔無或越也名之曰石垣須知衡何以平量何以準起運何以迅速工段何以修防書役之廢理判官因之兵目之勤惰判官任之覽是冊也庶知夫事之所關者甚鉅責之所屬者莫道職守重而報稱實難感是遇也且并知夫天下之大庶官之衆人才之盛幸際三途并用之時即微員末吏莫不爭先恐後躍躍欲試羣思得可爲之地及時展有用之才以早圖報効報効之地不易得而報稱之心豈容或緩歟時乾隆四十四年歲次己亥三月陳豫朋石垣大光樓行并序石垣在州城北七省正兌漕米運京倉者從此盤入通惠河歲計三百四十四萬石有奇抗夫喧轟晝夜不息日以起運三萬石爲率專責經紀百人董之而紛紜倥傯委曲繁重事雜弊多使者必親臨督覈焉舊有樓在垣之脊顏曰大光取易卦自上下下其道大光之義背城面河突兀軒敞薊郡盤山諸峯出沒隱見於檻前如列屏如縮髻陰晴寒暑千態萬狀雖馳驅執掌未獲盡領然當縱目流連游心物外未嘗不注意華胥睥睨羽人也崇闌傑閣懸巍昂向背兩水流洋洋簷額題名本易象自上下道大光俯睇操舟昏繼且太倉正兌供支

江北運程

卷二

散江淮河漢津程遙肩負千夫聲力悍漕官桓桓漕丁駢百家胥卒蟻赴糶弊之叢戴利之壑釐剔漫欲寬答鞭三萬餘石日汲汲焉免安得長絙繫渚禽汀樹煙雲浮好景當樓不暇及惟有盤山巒嶂排青屏攢眉頰送雙眸青寶釜石垣舟次詩連朝甘雨潤桑麻畫舫澄觀意興遐水色空明鷗入夢野芳穠豔蝶爲家縱橫偶試凌雲筆縹緲休尋貫月槎卻羨媚兒工縮地瓶中輓輓走綱車父垣樓詩大光樓迴曉煙開幾度經臨切溯洄檻外萬帆隨岸涌雲中一塔跨城來狂瀾正藉隄防力砥柱誰稱幹濟才卻憶東南高閣好鬱金香酒醉金甌

垣前自北來入運者温榆河水也

漕運全書通州温榆河爲石垣樓前起卸糧石空重鱗集之所

每歲糧竣漕運通判查勘淤塞估報興挑畿輔安瀾志榆河一

名温榆河古濕餘水也亦曰西河昌平山水記温榆河卽昌平之榆河順義謂之西河金人

江北運程

卷二

七

名縣曰温陽以此遼史作温榆河本水經注之灑餘河也以字相似而訛方輿紀要榆河一名温餘河蓋濕餘之譌也春明夢餘錄榆河卽古灑餘河又名濕餘河謹案濕餘之名見於水經注以其與濕水相近故以名之自漢書地理志分註誤作温餘遂爲沿誤之始後漢書王霸傳可從温水漕之文章懷太子賢註卽以温餘水實之此六朝迄唐以來無能辨其非者昌平山水記方輿紀要據水經注證其訛是也而日下舊聞云後漢書王霸爲上谷太守陳委輸可從温水漕以省陸運轉輸之勞事皆施行章懷太子註引水經注本作温餘水遼史順州有温榆河金更懷柔縣爲温陽豈盡無據又昌平多温泉有流入雙塔河者温餘之名竊疑因此水經注旣無善本今人習見坊刻遂指温字爲濕字之訛是又以温爲是而以濕爲非也考濕水卽桑乾從盧師臺以上直抵宣府大同境以達於邊徼兩山夾水本有相通之路王霸之所謂温亦當是濕水然後代言漕運者往往議及而終久爲轉輸之坦途若温餘河出入達嶺下近世所稱關溝者是也其中重巖複嶺欹崎阻絕水流甚微非五丁之鑿不能開章懷以濕水爲温餘本是誤註朱氏爲之左祖何耶又案灑餘卽濕餘濕不當作灑考水經注濕水出累頭山從

灑水出東郡武陽縣從累灑水出右北平後靡縣從纍自是三水一入桑乾一入黃河一入庚水毫無牽混說者乃謂濕水之濕本作灑省作灑又省作濕自北魏書改系從土又作灑又以濕爲濟灑之灑說文作濕或曰爲田又省一糸作灑而濕遂相沿爲燥溼之溼紛紛傳誤丁度集韻遂不分灑灑濕直俱云水出雁門皆非也又魏書道武西如馬邑靛灑源自是濕水字誤作灑亦非

源出昌平州西北岔道口入達嶺下元人所謂居灑卽濕也

庸北口是也其山統名之曰軍都山亦曰居庸山

漢書地理志上谷郡軍都

温餘水東至路南入沽水經濕餘水出上谷居庸關東酈注關在沮陽城東南六十里居庸界故關名矣其水導源關山歷山南逕軍都縣界又謂之軍都關續漢書曰尙書盧植隱上谷軍都山也方輿紀要入達嶺在延慶州南三十里東南去居庸上關十七里岔道口在州南二十里入達嶺

爲居庸之喉皖岔道又入達之藩籬也

南流三里逕青龍橋

則有澗河又南流五里逕三鋪村又南流七里逕彈琴峽

方輿紀要

澗河在延慶州南三十里源出入達嶺嶺東四里有青龍橋澗河經其下東南流入居庸關達昌平州界入於榆河冥之後獅山掌錄居庸關有彈琴峽水流石鑿聲若調琴昌平山水記上關七里至彈琴峽上有佛閣又七里爲青龍橋道東有小堡一統志彈琴峽在昌平

州西北居庸關內又南流七里逕上關城東卽古居庸關塞也昌平山水記自南口而上兩山之間一水流焉而道出其上也十五里爲關城跨水築之有南北二門張燧經世挈要居庸關跨南北而夾兩山水傍崖流徐中山壘石爲城作京師北門延慶衛舊志明大將軍徐達卽古居庸關舊址壘石爲城卽今上關一統志居庸關在順天府北一百二十里溫餘河自居庸關南流

又南流五里逕延慶衛城南霍案衛今并入延慶州又南流三里逕腰店村

又南流三里逕臭泥坑又南流三里逕南口城東續宣鎮志居庸南口關夾

澗而城方輿紀要關之南口亦曰下口北齊書譌爲夏口延慶衛志南口城衛南十五里又南流出口逕龍

江北運程

卷二

六

虎臺南而伏水經注上谷軍都山其水南流出關謂之下口水

流潛伏十許里昌平山水記不出居庸關爲濕餘

河至舊縣之西而伏又南復出亦謂之榆河今涇方輿紀要南

口而東六里有龍虎臺與積粟山相對榆河源出軍都山至舊

縣西水經注濕餘水故而伏至昌平州西南舊縣村復出日月兒灣漢東逕軍都縣故

城南又東重源潛發積而爲潭謂之濕餘潭唐濮王泰括地志

月兒灣在州西南四十里方輿紀要濕餘河又南復出謂之榆

河其發處爲月兒灣今上流已涸謹案昌平本漢軍都縣月兒灣當卽濕餘潭也下流逕州西是爲沙河

昌平山水記榆河出月兒灣下流爲沙河分二支曰北沙河南沙河北沙河自州

西四各莊東南流二十一里逕樓子莊南又東南流十一里出

沙河橋下有龍泉水卽虎眼泉自北來入之卽古幢幢水也水經注濕餘潭

又東流易荆水注之虎眼泉水出平川東南流入易荆水昌平

山水記沙河店北有水出昌平州西南四家莊逕雙塔村東流

爲北沙河燕都游覽志幢幢水如瀑布三四里至鷓鴣巖隱而不見或謂舊縣西北虎眼泉是其復出也（一）統志幢幢水在昌平西北虎峪山下流入榆河畿輔通志虎眼泉在昌平州西八里舊城下昌平州志虎眼泉在州治西舊縣西北城下流至豐贍村入榆河又東南流逕鞏華城東北則有天壽山泉注之又有翠

屏山泉百仙莊水龍王山泉水流合於沙坨村之東石橋下又

東南流十里逕三岔口與南沙河會明史地理志昌平州東南有鞏華城嘉靖十九年築

方輿紀要鞏華城在昌平州東二十里其地本名沙河店昌平山水記天壽山東西通黃花鎮路口其水則一自老君堂逕長陵前而西又東至七空橋一自灰嶺一自賢莊口合而下泰陵橋一自雞嶺口下康陵橋至泰陵橋南數十步而合下定陵橋東至七空橋一自德勝口來逕昭陵橋東下七空橋總爲一流出東山口至鞏華城東北入沙河沙河店南有水出昌平州西南五十里龍泉寺合西山諸泉流爲南沙河二水至店東南寶家莊而合（一）統志天壽山在昌平州北十八里明諸帝陵寢

江北運程

卷二

七

皆在焉其間眾水環流自諸山口而入匯爲一出東山口入鞏華城東北之沙河翠屏山泉在昌平州西南十五里東南流入沙河畿輔通志龍王泉在昌平州五里龍泉山龍王祠下自東麓滴出石竇下流入溫餘河又永液泉在州西北翠屏山下溫餘河今日北沙河在昌平州南十八里自居庸關南流逕州西會翠屏山泉而東南流又東至州東南三岔河會南沙河謹案龍王山泉水自山南南流十里逕小寨村又南流十里至沙河東石橋與百仙莊水合百仙莊河發源平地南流十二里逕沙坨村與龍王山泉水合流十二里至沙河東南沙河西南自宛石橋與四各莊北沙河水合入於三岔口

平縣黑龍潭發源東流一里入州境之太州務村北又東流四

里逕屯尹村北又東流三里逕馬房村北又東流二里逕長樂

村北有南沙澗之水合之即古易荆水也亦名昌平河水經注易荆水

導源西北逕干蓼泉亦曰丁蓼水東南流逕郁山西又東左合虎眼泉又東南與孤山之水合又東逕昌平縣故城南又謂之

昌平水魏氏土地記昌平城西有昌平河永部備考昌平河運諸陵官軍餉也一統志南沙河在昌平州南即古易荆水也謹案黑龍潭在宛平縣西北畫眉山虎峪內其水下流爲南沙河又南沙澗即沙澗泉也其水下流入南沙流

八里逕大榆村小榆村南通州榆村水決即此昌平州志大榆

河州城南二十三里又東流八里出沙河南橋下又東流逕鞏華

城南之半壁店又流逕城東南三岔口與北沙河會昌平山水記沙河店

南沙河有橋曰安濟北沙河有橋曰朝宗二河至沙河店經竇家莊而合昌平州志沙河在州治南二十餘里沙河

北店沙河南店俱距州二十里半南北二沙河合流於三岔口又東流八

里逕鄭家莊北又東流八里逕馬家房又東流八里逕蘭溝村

大小湯山泉水龍泉寺水抱榆泉水絳州營河合流自北來注

江北運程

卷二

之謹案湯山河有大小二源合流七里至葫蘆村與龍泉寺抱

山小湯山即湯山在其東二山所出之水皆溫泉合流入於雙

塔河又新湯池在舊塘里許有海子水益煥康熙五十年鑿又

泉元雙塔河之上源也南流十五里逕高屯村又東南流八里

逕葫蘆村名葫蘆河抱榆泉水發源昌平州東北有流十九里

逕東流村名東流河絳州營河在順義縣西南水有二源一出

西北范各莊東南逕梁各莊至板橋與地東一支合長二十五

里其一支出西北逕梁寺兒上西屈逕絳州營西流逕鄭家

莊又西流出板橋合流名西河亦謂之榆河有南石槽三角店

界二河之中熱河所經也即水經注之芹城水矣又西南出堯入昌平州南之高麗營名高麗河又東流三里逕官莊村又西流六里至東流村與大小湯山泉水合流而南又六里至蘭溝村入於沙河其所經流僅微涓淺注而已計自沙河南北橋東至沙子營長四十九里雖有河名不通舟楫冬月水寬一丈二尺至五六丈深四五寸至三四尺不等夏秋水發山泉驟漲

御路

行宮

寬七八丈至三四十丈深六七尺至丈餘上下通流無阻亦無水患

又東流四里逕土溝村又東流八里逕南戚各莊又東流一里逕沙子營村北又名沙子營

河畿輔通志昌平州東南五十里有沙子營接大興縣界謹案南北二沙河於昌平州東南即入大興縣之北境亦即順義

縣之西南界春明夢餘錄方輿紀要一統志皆云經順義縣西南者蓋以河流二縣之間以此分水其實至沙子營東南為大

興縣屬畿輔通志所言是也昌平州志以為南接宛平縣界則又指清河之水自西北來會非沙河之正流也

入大興縣界舊名孫侯河今日孫河春明夢餘錄望京館在城東北五十里孫侯村日下舊聞考今其地

轉音也為古北口孔道又東流逕海青廟又東流六里與清河

合流於燕丹村之清河營南直德勝門明統志清河源自昌平縣西南一畝泉經燕丹

村東南合榆河昌平山水記出德勝門八里為土城關又二十里為清河其水出玉泉山分流而北逕此又東會於沙河入於

江北運程

卷二

白河謹案此河又有官河之一名方輿紀要官河在州西南二十里源出一畝泉分為二流一日官河流入宛平縣入高梁河

一日雙塔河在州西南三十里經雙塔店入榆河昌平州志官

河在州治西南一十里分為二源一由官河流入宛平合高梁

河一由雙塔河逕雙塔店入榆河據紀要是分一河而為二據

州志則一河分為二流耳其實一也元志以雙塔河至豐善村

入榆河州志以虎眼泉亦至豐善村入榆河考其方位似即四

各莊所出之一泉東流為北沙河者也又一統志引州志南沙

河在州南二十五里源出神頭嶺山考神頭嶺山即神山也為

通惠河發源元史河渠志通惠河導清水上自昌平縣白浮村

引神山泉西折南轉過雙塔榆河一畝玉泉諸水則似南沙河

即為清河且即為白浮神山泉也又云雙塔河源出昌平縣孟

村一畝泉則雙塔河即一畝泉也明統志昌平州志蔣一葵元

方輿紀要皆以為清河出一畝泉則清河又即一畝泉以為清河

史玉泉山則清河又即金山也昌平山水記一統志皆以為清河

出玉泉山東流過雙塔店入榆河出州東神嶺山下為神山泉

出白浮山為白浮泉雙塔榆河之水今皆入於沙河意當日諸

河導源各有所自會流爲一。於是循流溯源遂亦有互受通稱之目耳。病逸漫記云：白浮水今入清河，一畝泉在寶山後已塞。則所稱清河發源一畝泉者亦不可。又東流三里，逕雷家橋。又據矣。古今水道之變難以臆度也。

東流逕安定門外繞。

方澤壇。又東流九里，逕黃港。又東流一里，逕新堡村。又東流八里，逕孫

侯屯。又東流七里，逕葦溝村。昌平山水記：溫餘河入順義縣界，順義縣西南三十里有葦溝村。東

臨榆。又東流五里，逕小店村。又東流一里，逕金盞村。又東流入

通州境。土俗名之曰富河。河防志：富河由順義縣至通州北關外，與白河會行。水金鑑：富河昔稱榆

河。一統志：溫餘河俗名富河，謹案通州志：富河在州城北，源出甕山，自白羊口經榆河下流爲沙河。由順義縣南界流至州東北，與白河會。其言與諸書異，其所指殆東流逕寨籬村。又東

江北運程

卷二

三

南流。逕岡子村。又東南流逕富河村。又東南流出西浮橋下入

於白河。水經：濕餘水又北屈東南至狐奴縣西入於沽河。酈注地理志曰：濕餘水自軍都縣東至潞南入沽是也。昌平

山水記：溫餘河下至通州入潞河。方輿紀要：沙河下流入於白河。一統志：溫餘河又東南至通州東北八里入白河。謹案：西浮橋在通州北門外，卽明漕運全書石垣樓前起至工部稅局止。實錄所謂富河橋也。

係各省糧撥起卸之所。乾隆五十五年挑淤九十五丈。河面開

寬七丈至十五丈，落深八九尺不等。軍船可直抵垣。又漕船抵

通。由潮白河駛入溫榆河，直抵石垣樓前起卸。計河長一千餘

丈。南藉潮白河之水，倒漾北藉臥虎橋之水，南流。倘按時溫榆河上流淤墊

故云。然兩水頂阻積淤最易。歲挑例動木稅銀二三千兩，錢糧少

而河道長。僅能自石埧樓起。至温榆河中間之工部稅局止。其

自稅局迤南。尚有五百四十餘丈。未挑。嘉慶八年。奏准。動支木

稅銀一律挑濬。倉場侍郎達慶鄒炳泰奏。畧通州北門外舊有

之所。迤東又有潮白河一道。貼近石埧樓前。為各省糧船起卸

自乾隆三十八年。山水漲發。河形東徙。與潮白河合流。為一。下

游遂致乾涸。石埧起卸糧船全藉工部稅局地方。以上所蓄。倒

漾之水。以濟漕運。是以最易停淤。每歲輿挑。有增無減。伏查温

榆河上游。久無來源。下游一帶。自嘉慶六年大水以後。潮白河

之溜。偏趨下游。東岸其西岸僅存小溝。二道水勢微弱。力不足

以刷沙。遂致涸出。岸灘逐漸淤塞。臣等再四籌酌。擬開引河一

道。或於石埧小口對岸開挖。計長三百零五丈。則温榆水有來

源藉可疏淤。或於工部稅局前對岸開挖。計長一百四十丈。舊

係潮白温榆兩河交匯之處。雖不能刷温榆之淤。而直注藥王

廟一帶。亦於新淤處所。洗刷有益。請派大臣勘驗。相度情形。擇

定地方。奏明動帑興工。長麟戴均元勘驗。覆奏。畧每年漕船抵

江北運程

卷二

通係潮白河駛入温榆河。直抵石埧樓前。起卸計河長一千餘

丈。南藉潮白河之水。倒漾北藉臥虎橋之水。南流兩水頂住。積

淤最易。每年挑淤。例准動用木稅項下銀二千餘兩。至三千一

百兩不等。錢糧少而河道長。僅能自石埧樓起。挑至温榆河中

間之工部稅局止。其自工部稅局迤南。尚有五百四十餘丈。不

能挑挖。日漸淤淺。遂致漕船不能抵埧。今議請於石埧樓左近

酌開引河一道。東引潮白之水。西入温榆。於糧船抵埧較為便

捷。惟臣等測量水面。温榆河高於潮白河三四五尺不等。形勢

高仰。一開引河。恐潮白之水不能逆流。而温榆之水轉南下。洩

干餘丈。必致全行淤墊。船不能通。此一帶木廠稅局貨店商艘

均多不便。且大雨時行之際。坡水暈注。新開引河兩岸時並土

性浮鬆。亦必致衝刷坍塌。仍心淤塞。將來亦不免於逐年挑淤

歲增繁費。臣等詳細討論。悉行商酌。與其新開引河一經淤墊

未必即能利漕。而先有礙於商課。似不若即將温榆河淤墊處

廓除。工部稅局以北。舊有年例歲修。仍照舊辦理。外其稅局以

南。新淤五百四十餘丈。即遵請動木稅項下逐加挑濬。不過需

費五千餘兩。即可一律寬深。較之新開引河。錢糧不致多糜。且

於漕船木廠稅局貨店商艘均有裨益

又温榆河故道由果渠村東遶富河村又

折而西灣環達石垵前南注與潮白河合流入北運河自乾隆

三十八年潮白河西徙直占温榆河身富河村之南二水合而

爲一遂不經由石垵

循按歷年旋挑旋淤

嘉慶十二年直督倉場會議若

在潮白温榆合流之下游挑挖不過引倒漾之水勢緩力弱惟

有開温榆河上游可復抵垵舊規逐段查勘自西浮橋至馬家

莊尚有温榆舊河形再溯上游至果渠村水勢甚旺請由果渠

村開河一道將東趨富河村築垵俾温榆河單行下注石垵如

此則清水仍行故道上游水勢勁利沙不停留石垵前自無淤

江北運程

卷二

五

塞軍船俱可抵垵續行水金鑑嘉慶十二年十月二十八日奉

上諭前據温承惠奏勘估挑挖温榆河上游一摺當經特派津英和

會同倉場侍郎前往覆勘茲該侍郎等覆奏會勘該處情形據稱石

垵以前因頻年藉下游倒漾之水至垵濟運易致流聚泥沙今竟從

温榆河上游一律挑挖深通直抵石垵誠爲因勢利導且無礙民田

廬舍實於漕務有裨惟石垵地勢高下必須通盤籌畫俾全河一律

深通毫無高仰滯礙方臻妥善該督原估之淺深尺寸尙應逐細勘

酌請再令覆加詳勘等語該處河流爲漕運攸關自應亟爲疏濬但

必須先用水平詳晰測量高下俾得有建瓴之象庶一經挑挖深通

不致復有倒漾等弊。茲閱所繪圖內，由果渠村至馬家莊一帶，直抵石埧，形勢雖屬順利，惟石埧以下流水溝一帶，匯歸正河之處，其地勢恐形高仰。若新挑之河到此，不能暢注直下，是徒費帑工，仍無實濟。此亦不可不慮。著傳諭溫承惠，另委熟諳河務之員，會同原估之員，周歷履勘，用水平逐細測量，務期通河暢順，實有把握，可爲一勞永逸之計。方可奏請辦理。設此次不能詳慎籌畫，冒昧從事，將來興工後，仍至倒漾淺阻，則惟該督是問。嘉慶十三年七月二十六日奉

上諭。溫承惠奏覆勘溫榆河形勢酌量辦理一摺。溫榆河果渠村一帶漫口，現據勘明，擬將兩岸沙灘全行挑挖，並另建草埧一道。於埧後

江北運程

卷二

三五

添築餞隄，草埧迤東接築土隄，以防盛漲。又挑挖河頭淤漲二處，河身工段，約估需銀一萬九千八百七十餘兩。請於藩庫動撥趕辦等語。著卽照所請辦理。嘉慶十四年二月十九日奉

上諭。據溫承惠奏果渠村新建埧工，請動項加培防護大汎一摺。通州溫榆河前經該督奏請於上游果渠村一帶開挖新河，建築埧堰，俾漕運軍剝船隻均能抵埧起卸。茲據查明該處埧工迎溜頂衝，現在間有平蟄，如遇伏秋大汎，溫榆河水勢盛漲，難以抵禦。請將各埧堰加培修築，著達慶蔣弆蒲前往詳加履勘，是否應行培築，必須於大汎以前趕緊興工防護，或酌量從緩辦理之處，卽行確查具奏。嘉慶

十九年五月十二日奉

上諭。那彥成奏請動項鑲築果渠村埧埽各工一摺。果渠村新河為溫榆上游。引灌濟運。因當山水之衝。歲須修治。茲據奏。大埧舊龍門東西裏頭隄堰邊埽。平墊卑矮。又河口淤灘有礙。河流亟應鑲培挑挖。所有估需例價銀九百九十二兩零。准其於道庫動支修辦。那彥成卽飭知該道督率興工。務使鞏固深通。於大汛前完竣。覈實報銷。按

溫榆河修濬工程錢糧造報乾隆五十五年奏明歸入北運河案內辦理此卷溫榆河道里亦卽併入白河覈計是以溫榆河名目不復標列總綱

一里半。右岸土埧。通州。

江北運程

卷二

三

畿輔安瀾志大通河穿通州新舊城東出抵土埧。倘按此分支至舊城由西

水關入東水關出與潮河合卽北運河也。俗謂之裏漕河。畿疇耳。剽至通州入白河

者大通河也。陳全之蓬窗日記。玉河注通惠河。與白河合。方輿紀要。大通河俗謂之裏漕河。通州志土埧在

州城東關外。明初通糧由此起車。萬曆二十二年。郎中于仕廉

查舊跡建新牘。通隍濟漕。蓄水運船。以省車輓之費。運至新舊

城外起車入西倉中倉交納。國朝因之。近埧號房共二十五

間。漕運全書土埧州同坐糧廳轄。戶部則例軍糧經紀兼管土

埧裏河撥船二十隻。又白糧經紀撥船二十五隻。漕運全書土

埧車戶二十名。通州志土埧下袋廠在外河沿。席廠在州東關

外東嶽廟土垣掣斛廳。爲州同督漕公廨。每年南糧抵通。移駐於此。

國朝陳豫朋土垣慎易堂行并序。改兌漕糧四十五萬餘石。悉由州東土垣入通倉。向設車戶二十五人。從此起運。又運沙子營之本裕倉米二十萬石。前歲本裕監守不飭。致車戶牽連虧累。比復停運。沙營車戶益困。夫土垣較石垣米數。固止四分之一。而車船役夫絡繹往來。苟非馭之有方。鮮能收指臂之效者。且弊竇易生在。在宜慎。爰述韓非子之言。額廳事以慎。易云。善人橋南。潞河濞分司鹿鹿。日一詣白浮村水。通隍池。改兌漕糈。運庭砌杉篙竹緯。撐曳忙滿。載競卸城圍。傍二十五人。隸車籍。隻輪魚貫。輸三倉。慨自本裕失監。董比戶困。如觸瑜。捧年來。更罷沙營舟艱。補千瘡。與百孔。信矣。傲急。潛禍機持。籌握算防。其微勿視。事較石垣。稀箴以慎。易遵韓非。矧彼七區。迢遙險不測。胼胝東南。念民力。寶盜由土垣。進東門。作慎易堂。前幾度。經東門氣象。雜林垌。城荒溜雨。倒生樹。河曲勒風斜。聚萍市。近魚鹽聲。偶送人。欽冠蓋。步多。

江北運程

卷二

毛

停詩懷底處。頻撥

茅屋時飄酒。望青

三里半。右東嶽廟。通

恂按地卽羅家口也。志言東嶽廟在羅家口。水程細數。單作羅

家擺有水撥。

三里。通流水溝。

漕運全書。通州温榆河。自工部稅局至流水溝一帶淤淺。嘉慶

十一年復挑。其自流水溝以下新淤約二百餘丈。工長費重。請

就近於流水溝席廠東岸灘嘴。上斜挑引河一道。計長五十丈。

引入潮白河水。灌注通流。糧艘自能浮送抵垣。地近工省。起撥

尤便。

需挑流水溝引河奏畧温榆河向無來源形勢淺窄與潮白河合流全藉倒漾之水濟運但水弱沙停無從刷滌每年淤塞自工部稅局至流水溝舊挑淤處五百四十丈今復淤淺再流水溝以下東邊衝開岔河一道溜走東岸以致流水溝下至楊家坨又積新淤一百八十丈共新舊淤長七百二十丈若不及時挑挖恐來歲漕艘經行淺阻計自工部稅局至流水溝尾止向分四段工長五百四十丈現在水勢上三段探深一尺五六寸至二尺五六寸不等面寬四丈餘至五六丈不等席廠一段探深三四尺面寬六七丈不等此屬舊淤實在情形流水溝下至小神廟因本年夏秋疊次盛漲節節淤墊高露沙底所有潮白河溜均從岔河旁走水勢散漫停沙更甚此屬新淤實在情形誠恐新漕當春水清淺不能挽運秋後大幫雲集又值水落歸槽更慮淺阻自當上緊挑修惟現在形勢上年東嶽廟衝開岔河積淤成陸路遠灘厚礙難再挑若挑流水溝以下新淤約二百餘丈工長費大且僅能駕駛吊載船隻其幫船仍須停泊小神廟以下則吊載船

江北運程

卷二

三

愈剝愈遠起卸愈遲非但延誤運行一切起剝腳費倍增實屬無益請將流水溝以下新淤毋庸議挑惟先就近在流水溝席廠以下東岸灘嘴上斜挑引河一道長五十丈南口寬九丈北口寬七丈深八尺如此引入潮白河通流灌注自能將剝運糧艘浮送抵坨而幫船並可直到河口起剝尤便自工部稅局至流水溝舊淤一段長四百五十五丈擬分三段挑挖均寬七丈加深三尺五寸至二尺五寸不等倘按此奏在嘉慶十一年畿輔安瀾志載此不列銜名或蒙上倉場侍郎達慶鄒炳泰之奏

三里。左楊家坨。通州

通州志州東路一百十村莊楊家坨離城三里有水撥恂按坨

畿輔安瀾志續行水金鑑俱作坨

六里。左郝家鋪。通州

恂按鋪亦作甫。通州志州東路郝家甫離城四里。有水撥。

三里。左岸姜家場。通州

通州志州東路姜家場離城六里。有水撥。水程分汎單。自右垣

至姜家場計程二十里。通州上汎所轄。刮板八副。淺夫一百四

十四名。標夫三名。北岸莊防汎夫四名。聽差夫四名。漕運全書

北運河徹底全沙。沙隨水走。水逐沙行。舊設划船。改為刮板。額

設淺夫四百八十名。恂按是時計六汎每汎八十名不敷應用。如遇疏濬緊急。

臨時雇夫協濟。漕運則例纂。北運河流沙。通塞無定。雍正元年

題准。雇夫逐日探量水勢。多插柳標。原設標夫三十三名。自重

江北運程

卷二

五

運入汎起。至空船出汎止。每名日給銀八分。乾隆十一年議准。

每月再給標竿銀五錢。

四里。右岸小神廟。通州

通州志小神廟有水撥。初二次水利工程奏畧。通州東門外運

河溜逼西岸。城北石垣樓一帶。遂成頂衝之勢。今於臥虎橋。在

北關月城外石垣樓小神廟三處。各建挑水板垣一座。自小神

廟北石碑起。至邵板廠雞心垣止。建護岸挑樁板工。長三百丈。

恂按。卽小聖廟也。廟祀水神。保陽城南亦有此廟。清河道主祭

祝文有云。惟神川瀆降靈。江湖著績。一方保障。儼砥柱於中流。

千仞隄防。捍奔騰之巨壑。詳觀察畿南筆記。

國朝厲同勳曉霧初霽陪倉帥自小聖廟巡河而回詩靈廟陪巡返沿隄趁曉光鷗眠沙草白蠶抱水花黃霧霽添林潤風清入麥涼何時成澍雨幽徑自生香

三。黎辛莊。通州通

通州志州東路黎家新莊離城十五里。

二。劉各莊。通州左岸通

恂按各亦作家或作姑。又作古。通州志州東南路九十二村莊。

劉家莊離城二十二里。

一。老隄頭。通州通

江北運程。卷二。

三

通州志老隄頭有水撥。河防志通州運河隄岸自龍潭口起至

白浮圈下老隄頭止長八百二十七丈。康熙三十三年修築。

三里半。康家溝北口。通州通

漕運全書嘉慶十二年張家灣正河淤墊直隸總督奏准挑復。

并將康家溝河口建築攔水草埧加添裏戩接築土堰堵截沙

河之流。十三年張家灣正河淺阻康家溝水勢通暢直隸總督

奏准空重漕船由康家溝行走倉場侍郎奏准康家溝上游流

水溝一帶如遇淺阻隨時挑挖十四年奉

上諭據溫承惠奏康家溝溜勢奔騰漕船逆流而上大費牽輓是康家

溝必須堵築。正河必須修復。此事關係漕務甚重。著派戴均元查勘。詳細斟酌。妥議具奏。欽此。嗣據倉場侍郎戴均元查奏。張家灣爲潮白河下游。灣環曲折。迤東溫家莊地方。本有旱溝一道。名康家溝。自嘉慶六年大水冲刷。深寬通舟。正河仍通行無阻。迨至分流日久。正河淤塞。十二年奏請挑復。於十三年始能堵合。旋因漲水陡發。將康家溝新築埧工全行坍塌。走失無存。另由康家溝迤東平地冲出河身一道。奪溜而行。卽現運空重來往之路。自上年漫水淘刷之後。康家溝河勢已成。而張家灣舊道淤塞梗斷。臣測量張家灣連年淤積。必大加挑挖。始得深通。茲牽估江北運程

卷二

三

挑工銀十五萬六千六百兩。康家溝埧基約工料銀八萬九千兩。惟防守非易。終恐虛擲。至眾論多以挑復爲便者。蓋以張家灣三十里。停泓蓄水。康家溝僅六里。形勢直瀉。查此數里之內。現有灣環四處。仍屬曲折。並非竟係直河。本年漕船仍在康家溝行走。再爲察看一年。請

旨定奪。欽奉

上諭允准。

恂謹按自是
遂由康家溝

恂謹按康家溝一河事機之會不關人力。殆行

所無事者矣。續行水金鑑紀載原委較備。歷承

聖訓恭錄備查。嘉慶六年九月奉

上諭。前因鐵保奏張灣一帶水溜沙淤。漕運不能迅速。另有超河一道。比正河較近。懇請疏濬改運。彼時朕卽恐有妨礙之處。因降旨令倉場侍郎帶同通永道。前赴該處查勘。茲據和甯鄒炳泰覆奏。通州南八里許溫家庄北。舊有旱河溝一道。本名康家溝。南北直衝。並無超河之名。該處水底高於正河三尺。若挑濬深過正河。則溝水奪溜直行。而張灣必致淤淺。商賈水陸馬頭均屬不便。設遇旱年。上輓逆流。重運轉費周章。若逢雨潦。水衝力猛。下游村莊必遭淹漫。並繪圖貼說進呈。所見甚是。張灣一帶。前人開濬運道。故紆其途。本有深意。蓋因地勢北高南下。土鬆沙活。不能建設埝垣。全賴河道灣環。得以蓄水轉運。若溜勢由北直向南趨。恐不免一洩無餘。殊於運道有礙。鐵保前次經過時。未經詳察地形水勢。徒見今歲雨水漲溢。重運偶可抄道行走。遂欲酌改舊制。實非經久無弊之策。其議斷不可行。所有通州運道。著照和甯等所請。仍舊辦理。毋得輕議更改。嘉慶十二年。

九月二十九日奉

上諭。本日德文李鈞簡奏。請挑修張家灣正河。以復故道一摺。據稱運

河到處流沙。不能建設埝座。全賴河形灣曲。蓄水濟運。今康家溝水

一直下注。北高南下。本年暫用濟運。已多溜激坎阻等事。請於十月

內擇吉興工。挑修張家灣正河。堵築康家溝沙河。以資經久等語。自

係實在情形。著溫承惠迅卽委員勘估動項興工。務於年內趕完。俾新漕得以暢行無阻。嘉慶十三年五月十三日奉

上諭。溫承惠奏。查明堵築康家溝口。改建添辦各工一摺。康家溝填工。改築堵閉後。正河通暢。撥運漕船得以挽行無阻。惟前勘估鑲做未能妥善。以致另築填基轉多糜費。所有幫寬原填工料銀二千八百五十餘兩。及原辦填工估銀一千九百餘兩。加半價銀九百五十餘兩。均不准開銷。著落原估原辦之員認賠示儆。其續估改建添辦及善後各工銀一萬五千五百餘兩。俱著准其報銷。是年六月十五日。

奉

江北運程

卷二

三

上諭。據達慶等奏。康家溝新建填工。因水勢盛漲。於十一日酉刻。將大埧迤西土堰漫開三十餘丈。復因迴溜衝刷大埧。又蟄陷五十餘丈。現在正河水勢深五六尺等語。康家溝填工。本年春間。屢經溫承惠派員勘辦。奏稱修築完固。何以此時有衝刷蟄陷之事。現在軍船正在回空之時。而正河大溜歸入康家溝。一半有餘。於運務大有妨礙。必須趕緊堵築。道員陳鳳翔既令在永定河防汛。不能兼顧此事。著溫承惠卽另委明幹之員。星往查勘。迅速搶修。勿誤漕運。是月十九

日奉

上諭。溫承惠奏。康家溝填工漫水情形。關係糧運。現在新舊河道聯成

一片。亟須設法培護疏消。該督速馳赴該處督率籌辦。潮白河爲張家灣河水上游。今下游如此盛漲。上游水勢必大。所有潮白河橋座有無衝刷漫溢。該督親往勘明。沿途橋道有應需修整之處。早爲籌辦。是月二十四日奉

上諭。溫承惠奏。查勘康家溝果渠村等處漫工水勢情形。又片奏稱。楊村通判所屬馬家工東縷隄一道。因風浪排擊。漫溢十餘丈。又務關同知所屬小王家莊迤北縷隄。亦經漫溢十餘丈。現在分投搶修等語。通州以下各處河道。正當重空軍船行走之時。豈容稍有阻滯。現在康家溝果渠村二處。卽因水勢浩瀚。未能施工。而楊村務關地方。又有漫口二處。尙未搶合。著溫承惠遴派明幹大員一人。迅速前往會同趕緊妥辦。七月二十六日奉

江北運程

卷二

三

上諭。現在張家灣正河淤淺。重空各船雖暫由康家溝抄路行走。而該處河流直瀉。不能久爲容蓄。若再水落沙停。軍船豈不淺擱。須趁康家溝水大之時。將空重糧船一律攢行。勿令一船淺阻。北河斯爲第一要務。永定河道陳鳳翔。向於直隸河道情形較爲熟悉。著飛飭檄調前來。先將糧船起卸事宜。會同設法辦理。如有間段淺阻。隨時挑挖疏通。務令晝夜攢行。趕緊抵埧。本日溫承惠摺內稱。此次張家灣正河。被大水衝刷。半成淤灘。康家溝河面又甚寬廣。舊埧兩頭無從

生根。惟西岸温家莊地方尙有老坎。東岸河邊高灘一處。可以築堰。做埧。覈計工段。需銀在十萬兩以外。猶不過將就補苴等語。康家溝抄道行船。不過一時權宜之計。將來總以修復正河爲是。著飭令陳鳳翔等屆時確勘情形。熟籌妥辦。不但缺口應設法堵合。亟須勘定埧基。償估工段。勒限辦竣。並當將河身內認真挑挖。分外加深。總使水小之時。仍可蓄水行船。不致淺阻。水大之際。又可多爲容納。不致旁趨漫溢。以圖一勞永逸之計。方爲妥善。此次康家溝漫工。本應著落承辦之員照賠。但本年六月內。雨水較大。河流驟漲。水勢高於埧堰一尺有餘。係由埧頂漫過。其埧身並未走動。迨淹浸幾及兩月。始漸衝刷。現在勘明埧根仍屬穩固。是當日辦理尙無草率偷減情弊。承辦各員。各均可原。所有應賠銀兩。加恩免其著賠。惟當責令現在所辦各工。加意經理。一律堅實穩固。於工料不可糜費偷減爲要。自嘉

慶十二年至此
均載河渠志稿 八月奉

上諭。吳璫奏查勘張家灣康家溝河勢情形一摺。據稱康家溝現已刷成大河。迥非從前分流溝港可比。數里之內。有灣環四處。河水亦不虞直瀉。現在河流深通。行走順利等語。張家灣正河現已淤成高灘。計算水面河底共高於康家溝一丈八尺及二丈一二尺不等。長至十數里。勢難挑挖深通。與其修復正河多糜帑項。自不如就已成之

新河順勢利導。俾糧船經行無誤。著照達慶等原奏。來年糧船卽由康家溝行走。如果試看一年。河身通暢。再行具奏。嘉慶十四年六月二十八日奉

上諭。據史祐奏。康家溝河道難行。宜復張家灣故道等語。著溫承惠詳細查勘。據實具奏。七月十六日奉

上諭。康家溝本非運河正道。前因該處衝刷成河。又無築埧生根之處。是以暫緩未辦。卽令糧船試行一二年。再爲定議。今據溫承惠奏。康家溝溜勢奔騰。漕船逆流而上。大費縲挽。該處地勢甚高。恐旱乾之歲。河水一瀉無餘。漕行更爲棘手。是康家溝必須堵築。正河必須修復。惟兩岸均係沙灘。埧基難立。而正河淤積日甚。挑挖費工。此事關係漕務甚重。著專派戴均元親加查勘。詳細斟酌。妥議具奏。是月三十日奉

江北運程

卷二

三

上諭。戴均元奏。查勘張家灣康家溝河道情形一摺。張家灣舊河應行挑復。固屬正論。但現據戴均元親自測量。張家灣河頭。不但愈淤愈厚。埧基難立。計需土方工料銀兩。爲費不貲。而現在時日已迫。卽加緊償辦。亦非五六箇月不能竣工。轉瞬漕運已來。河道未復。船行致有礙阻。是目前勢不能辦。亦祇可仍在康家溝行走。再爲察看一年。屆時酌量定奪。

六里半。左岸武家寨。通

通州志州東南路武家寨。離城二十四里。水程分汎單。自姜家

場至武家寨。計程二十里半。通州中汎所轄。刮板六副。淺夫一

百八名。標夫三名。按通州下汎。於嘉慶十三年經制軍會同倉

帥調往果渠村防守隄工。今運道無下汎。恂按自武家寨入張

灣汎界。舊最舊有張氏族大居此。故名。方輿紀要張家灣。在州

南十五里。元萬戶張瑄督海運至此而名。東南運艘由直沽百

十里至河西務。又百三十里至張家灣。乃運入通州倉。蔣一葵

長安客話張家灣。為潞河下流。南北水陸要會。自潞河南至長

江北運程

卷二

三

店四十里。水勢環曲。官船客舫駢集於此。絃唱相聞。最稱繁盛。

曹學佺名勝志張家灣置巡檢司。在土橋西。鹽倉批驗所。在煙

墩南。日下舊聞考張家灣。本朝添設通判一員。都司一員。張

家灣稅務歸坐糧廳。畿輔安瀾志北運河隄工。自通州北起。至

張家灣止。長三十六里有奇。通州州同轄。明實錄世宗嘉靖三

十一年五月。修築張家灣鎮城堡工完。日下舊聞考安瀾志大

通河篇。俗謂之裏漕河。折而北。逕大通關。方輿紀要大通關在通州南

也。日下舊聞考長店。距州城十三里。關久廢。匯為張家灣。有凉水河。出自南海子。西

流入之。天輿縣志凉水河通南海子。所以宣洩海子所出之水

謹案凉水河舊為渾河分支。下入白河。今由南海子東

流入運並詳見白河篇。下入天津縣。由北門外爲海河。入於海。方輿紀要通惠河自

京城東至通州。城南會於白河。又南會直沽。入海。凡二三百里。俱曰通惠河。河防一覽。楊村以北。通惠之勢。有若建瓴。白河之流。淤沙。易阻。夏秋水漲。則懼其濳。冬春水微。則病其滯。浮沙之地。地既難建。牖以備節。宣惟有濳築之功。殊爲喫緊。又白

河篇。運通州環又南流。逕張家灣城東。則有凉水河之水。自西

南來注之。一統志白河東南流至張家灣會凉水河凉水河在宛平縣南由水頭莊發源東南流入南海子逕馬駒

橋。又東逕通州南。曰南新河。至張家灣城南。入白河。隄案此河

自南海子流出。逕半壁橋。出馬駒橋東。抵高各莊。分流一北入

張家灣。舊道也。一南入鳳河。新開河也。雍正三年。怡賢親王請

自高各莊。導入鳳河。以清京西南。潞水近時。永定河東截。鳳河

之尾。此河下稍已爲永定河所奪。倘披馬駒橋。即宏仁橋。通州西南路。離城四十里。潘錫恩畿輔水利四

江北運程

卷二

五

案雍正四年正月。怡賢親王奏。凉水河。源自京城西南。由南苑

出宏仁橋。至張家灣入運。請於高各莊開河分流。至堞上。循鳳

河故道疏濬。由大河頭入。仍於分流處各建一牖。以時啟閉。庶

積潦有歸。可溉田。亦可通運也。里道記。火燒屯。西北七里曰公

雞店。又七里曰沙狐堆。又六里曰保運觀。亦謂之李二寺。又十

里。即張家灣矣。通州志。里二泗。近張家灣。有佑民觀。徐階張家

灣城記。自都門東南行六十里。有地曰張家灣。凡四方之貢賦。

與士大夫之造朝者。舟至於此。則市馬僦車。陸行以達都下。故

其地水陸之會。而百物之所聚也。嘉靖甲子。築城周九百五丈。

有奇。厚一丈一尺。高視厚加一丈。內外皆甃以磚。東南濱潞河。

阻水爲險。西北環以濠。爲門四。各冠以樓。又便門一。水關三。洶
按里二泗。在張家灣城南。明湯顯祖有登張灣里二泗道院高
閣詩。以北運河同知歲報河圖考之。與張家灣城隔涼水河。或
於里二字加水書作湮。仁泗。王圻續文獻通考作李二寺。云元
正統二十四年。分立都漕運司。其在河西務者。掌御河上下至
直沽河西務。李二寺。通州等處。僱運糧斛。又日下舊聞考。元史
所載李二寺。卽今里二泗也。地在張家灣。一統志。潞河驛。在通
州舊城東關外。潞河西岸。明永樂中置。和合驛。在通州東南三
十五里。舊名合河驛。以白榆渾三河合流而名。明永樂中置。萬
江北運程

卷二

元

歷中移置張家灣。改今名。今有驛丞。日下舊聞考。潞河驛。康熙
三十四年併歸和合驛。通州志。州南路八十五村莊。張家灣離
城十二里。里二泗離城十七里。又湮。仁泗有水撥。循按自康家
溝河勢已成漕船遂不。由張家灣畿輔義倉圖。通州西南境有台戶莊倉。湮。仁。泗。西。北
距倉二十二里。

國朝劉於義高斌奏勘河道工程疏。一張家灣東南沿河一
帶。自木廠起至善人橋止。長五里餘。市廛稠密。漕船繚路必
經。年來河流西改。復值上年伏秋連雨。山水暴漲。河岸衝塌。
長四百六十丈。卑薄危險。樁草工程難資。抵禦應建護岸排
椿板。工內實以土夯礮。堅築俾與老岸相合。再相度水勢。建
排木板。垣三座。挑水東行。使溜勢復舊。倘按此奏。在乾隆十
年。明王崇慶張家灣曉發作沙鳥知山兩舟人狎海潮。五
雲堆魏闕回首路迢迢。許天錫曉發張灣詩。黃鸝嘯歇曉

陰開兩岸垂楊蔭綠苔葉底輕花看不見暖風吹入短篷來
樊卓張灣舟中作朝發燕山陽夜宿張灣側高樹蔚繁陰
浮雲淡無色睽彼西日馳憂心恆惻惻賴我同心人相期崇
令德王問張灣送客詩旅舍臨官階秋風一惘然獻書芸
閣上歸夢草堂前燕市人初去江天月共憐應尋鹿門隱同
宿五湖煙邱雲霄發張家灣作舟車變春夏倦與水雲期
月明宿沙灣雞聲何啾啾寒煙薄汀渚征人事驅馳長河就
東溪明星亦西移鳴鑣揚緇塵策馬縱青羈遠瞻鸞鳳樓有
懷金玉姿元髮抱衷素綠絲方見洽輾轉繁慮積緬邈千古
思陸深張家灣棹歌張灣水出北山頭十里洪身九里洲
惟有老漁知進退深灘撇網淺灘孳桑紹良下第宿張家
灣詩貂裘做盡客還家郭隗臺前日欲斜回首鳳城春色好
鶯聲嗁碎碧桃花國朝尤侗張家灣詩往時此地拂衣回
白日驚逢暴客來十日倉皇魂欲斷三年幽憤眼誰開參軍
不足當雞肋安國何能起死灰七首末酬燕市恨蕭蕭易水
至今哀自注予於丙申四月去任抵張家灣為土寇程啟貞
所劫僅而得免啟貞本山海關民犯法當死予捕之急逃入
旗下至是挾數十騎來白晝攫行李去一境震駭莫可誰何

江北運程

卷二

早

也戊戌十月重泊灣口因作此詩張問陶張家灣舟中作
二首抱塞山光遠橫空露氣平河流明夜色小宿聚秋聲撫
枕雄心在思鄉病味成薄寒如有意苦向客邊生不去尋歸
騎偏來問客船浮生皆昨歲小任亦奇緣與鳥寒蘆外秋星
畫舫前西風吹瘦影誰與話三川鍾鬚館集張家灣詩鏡
裏煙花夢裏雲綠楊門巷日西曛金釵持贈君憐妾丹詔空
裁妾怨君隄坂馬馳珠勒馭御衣香待美人贈桑乾河畔溶
溶月廣有蒲颿盪水紋恂披蠅鬚館集王蕩唐師著張祥
洞月灣繞道書所見詩三首教趁鸞環熱林疏不礙與雜糧
多脫穎故轍半成渠杯琰春所應釵裙膜拜初會看燒畝樹
挨滄黃繭蓬頭插青荷小掌擎無插客生蠅飛瓜市散蟬歇樹
陰滄黃繭蓬頭插青荷小掌擎無插客生蠅飛瓜市散蟬歇樹
有棲真者園蔬抱甕澆荒雞坐高樹細書所繫危橋倦
矣穿山屐屨哉挂屋瓢風前如欲訴衣袂自飄蕭
明劉廷諫七月十五夜泛舟里二泗詩早秋十五潞河邊里
二灘頭一繫船為愛清風消溽暑更憐明月滿中天濤平千
里水如練雲掛孤帆人似仙有客扣舷解予意朗吟赤壁不
會眠王嘉謨里二泗東皇祠下作檉桐發春華藹藹照中

圃香渺平湖。闊孤帆逗新雨。中流見古祠。松雲澹翠樹。舉酒
酬芬芳。村巫起。屢舞雪消。蕨初綠。蘋香魚正孔。但醉不須辭。
此樂真堪取。湯顯祖登張灣里二泗道院高閣詩。弭舳聚
氤氳。麗曷凌暉。陵旅積方此。畚波情亦堪。繞榛邱見。蒙密重
關思。窈窕况此羽人居。青瑩滿幽眺。雙扉永平直。層樓迴飛
矯。陵岳翠西矗。河渠白東淼。幢檣密林樹。伊優軋魚鳥。封吟
四如畫。岐術紛可了。非經瀟陵役。復
異河陽遠。如何帝鄉雲。悠然映江表。

二里。左岸。崔家樓。通州。

通州志州東南路。崔家樓。離城三十里。有水撥。恂按由康家溝新河至此復接

舊河。

六里。左岸。謝家樓。通州。

通州志州東南路。謝家樓。離城三十五里。有水撥。恂按畿輔義

江北運程

卷二

望

倉圖作解家樓。通州東南境有西集倉。由城而東南。有上店。東
南距倉二十三里。有武家窯。東南距倉二十二里。有下店。東南
距倉二十里。有崔家樓。東南距倉十八里。有解家樓。東南距倉
十六里。以上地俱濱運河。在河之東。倉在腹裏。距河十數里。

二里。左岸。馬房。通州。

通州志州東南路。東西馬房。離城三十四里。畿輔義倉圖。通州

東南境有西集倉。馬房。東南距倉十四里。

六里。左岸。小屯。通州。

通州志州東南路。小屯。離城三十六里。有水撥。恂按直隸山東

鄉村多有以屯名者。景州志言別鄉爲屯。或曰亦猶江淮間之別鄉爲都。其義不必深考。或曰屯田之制。漢以兵。唐以民。今之保甲猶用其意。屯之得名當取諸此。之二說者以後爲長。畿輔義倉圖通州東南境有西集倉。小屯。東南距倉十三里。

五里。右岸供給店。通州。

通州志州南路供給店。離城三十三里。恂按里道記作公雞店。

畿輔義倉圖通州南境有永樂店倉。供給店西距倉十五里。

五里。右岸榆林莊。通州。

通州志州南潮縣西路六十三村莊。榆林莊離州城三十里。有

江北運程

卷二

聖

水撥。畿輔義倉圖通州南境有永樂店倉。榆林莊西距倉十六里。

三里。右岸長陵營。通州。

灤縣志白河濱有長陵營馬頭店。白浮圈曹家莊諸隄鋪。皆運

河必經之道。日下舊聞考長陵營等隄鋪在白河西岸。村莊隄

岸今俱完整。畿輔安瀾志北運河隄工。自張家灣起至長陵營

止。長三十五里有奇。通州州判轄通州志州南潮縣東路五十

五村莊。長陵營離州城三十五里。畿輔義倉圖通州南境有永

樂店倉。長陵營西距倉十六里。

八里。右馬頭。通岸。在故潮縣城之東。

方輿紀要。潮縣。在通州南四十五里。南至武清縣七十里。漢泉

州地。遼初為潮陰鎮。後升為潮陰縣。以其在潮河之南也。元至

元十三年。改潮州。屬大都路。明初復為縣。改順天府屬。本朝

順治十六年。裁併通州。潮縣志。縣舊無城郭。正德初。知縣郭梅

始築土城。周二里。嘉靖二十二年。增修之。門四。北拱闕。南迎薰。

東臨津。西通都。萬曆四年。始甃以磚。周六百二十三丈。高一丈

八尺。崇禎八年。知縣涂應召增高五尺。遼史。潮縣城。在京東南

九十里。明統志。在州城南四十五里。漕河圖志。在漕河西三里。

江北運程

卷二

壘

日下舊聞考。縣城今尙存。康熙三十六年。設州判一員。駐劄其

地。兼理巡檢河工之事。畿輔安瀾志。白河。逕張家灣。又東流。逕舊潮縣

東。則有潮河。亦曰泗河。來注之。元史。河渠志。白河。在潮州東四里。一統志。潮縣故城。在通州南

四十五里。本遼所置。潮陰縣也。舊志。白河。復折而南。過廢潮縣

東。凡一百二十五里。長安客話。泗河。在潮縣東四里。即運河也。

泗水。會流故名。一發源自塞外。東流至密雲縣。與湖河。川合流。

注通州城東。北入白河。即通州潞河也。一自塞外。西流入白羊

口。逕榆河驛。下流為沙河。由順義縣南界。至通州城東北。入白

河。即通州富河也。一發源於昌平。白浮村神山。泉出。西南匯為

西湖。東入都城。積水潭。南至玉河橋。由東南。大通橋。迤東。入慶

豐等。廂。即通惠河。入白河。一自都城左安門外。草橋。流入南海

子。東出宏仁橋。由水南。新河。至張家灣。板橋。入白河。總名運河。

亦名白河。謹案。潮河。方輿紀要。畿輔通志。皆云。折為三一。為潮

河。正流。一為新莊河。一為黃漚河。皆自盧溝。分流。與長安客話

異。詳觀諸志。潮河。即泗河。亦即凉水河。今惟凉水河有水。而其

三支卽潮白温榆通惠之流然方輿紀要以滹自分爲三支與運河而爲四又不數温榆通惠又香河縣志旣以白河爲四水會流又曰泗河下全引長安客語似泗河爲白河非滹河也下又引滹縣志滹河發源草橋流入福海內又有一畝泉二水東流合流東出由張家灣入白河至蒼頭村曰蒼頭河蕭后運糧河自城西逕城北而東過白廟套裏渠口等村跨寶坻入於海遇河泛漲卽能通舟南神機營馬房莊係蕭后運糧河水泛則上通三路隄口一通二百戶一通土門樓一通雙街隄口下經柴家莊丁家莊仰家莊北五里水泛則入寶坻在城南二十五里白廟莊蕭后運糧河城東北五里水泛則入通本縣城河下由張家小套莊許家莊焦家莊康家莊馬家窩小河各莊宣教寺孫各莊入於雙港河本縣城河水泛則上通四路隄口一廿十八一火燒屯一石灰廠一甄家店水在城東北角出由胡家莊入白廟蕭后運糧河此則又是渾河之決入白河東溢過於鮑邱水之道今惟窩頭河下與白河通流不更西決矣而諸水道亦多失其舊

新河春明夢餘錄新河在滹縣西一名滹河自盧溝水分流至

江北運程

卷二

器

縣界析而爲三其一逕東入白河其一爲新莊河南流入武清縣界其一爲黃漚河東至馬家莊之飛放泊舊滹縣志滹河水繞滹縣城故名在縣西二十五里經水南村曰水南河至新河店曰新河至蒼頭村曰蒼頭河至黃漚村曰黃漚河隨地立名皆此水也黃漚河東注馬家莊之飛放泊滹水店在縣北三十里往來孔道也日下舊聞考泗河卽運河在滹縣舊城東三里滹河今名新河在滹縣舊城西二十五里川瀆異同漕河蕭家林又十里曰和合驛又二十里至滹縣又十里則火燒屯也通州志州南滹縣離州城三十里州南滹縣東路馬頭離州城四

十里有馬頭汎水撥。恠按舊澗縣志黃漚河。通州志作黃匯河。

舊澗縣志縣渾河出其東南。而萬艘徑泊。澗水環於西北。而三

派分流。長隄如龍。蜿蜒相接。會於城陰。亦形勝之地也。畿輔義

倉圖。通州南境有永樂店倉。馬頭西距倉十二里。

元吳萊澗州詩數株楊柳弄輕煙。舟泊澗州河水邊。牛羊散

野春草短。勅勒老公方醉眠。陳秀民澗州望古北居庸諸

山作古北居庸一望中。風沙滿眼亂芙蓉。曦車夜轉崑崙脊。

華蓋陰移太乙峯。金口水流終到海。玉泉雲起又從龍。兩京

形勝今如此。可擬秦關百二重。明蔣山卿澗縣晚行作。漠

漠平沙闊。荒荒白日低。胡雲孤雁度。昏樹亂鴉棲。戍鼓聽猶

隔。村煙望欲迷。關山有戎馬。麟爾尙征西。楊士奇過澗縣

望都門西山詩。東旭光芒起。西山紫翠分。馳心向鳳闕。仰首

見龍文。旆影高低出。鐘聲遠近聞。豫將纓紱振。擬近玉爐薰。

顧夢圭澗縣行入城半里無人語。枯木寒鴉幾。茆宇蕭蕭

江北運程

卷二

望

酒肆誰當壚。武清西來斷行旅。縣令老羸猶出迎。頭上烏紗
半塵土。問之不答。攢雙眉。但訴公私苦。復苦雨雹飛。蝗兩傷
稼。春來况遭連月雨。縣城之西多草場。中官放馬來。旁午中
官占田動。阡陌不出官租地。無主縣中里甲死。誅求請看荒
墳遍。村塢國朝卜禾吉。澗縣舟中作。征帆緣路轉。別馬憶
驢嘶。前路方疑遠。鄉關漸欲迷。岸平沙水急。野闊塞雲低。日
暮頻回首。荒村雞盡棲。

九里半

左岸和合站。通州。

通州志州東南路和合站。離城五十里。有水撥。水程分汎單。自

武家窰至和合站。計程四十六里半。張灣上汎所轄。刮板八副。

淺夫一百四十四名。標夫三名。畿輔義倉圖。通州東南境有西

集倉。和合站東距倉十四里。

三里。左岸呂家灣。通州。

通州志州東南路呂家灣。離城五十二里。畿輔義倉圖通州東

南境有西集倉。呂家灣東稍北距倉十三里。

二里。左岸楊家窪。通州。

通州志州東南路楊家窪。離城五十里。有水撥。畿輔義倉圖通

州東南境有西集倉。楊家窪東北距倉十二里。

四里。右岸王灰莊。通州。

通州志州南潮縣東路王灰莊。離州城五十五里。畿輔義倉圖

通州東南境有西集倉。王灰店北距倉二十里。

江北運程 卷二

吳

一里。右岸高莊。通州。

通州志州南潮縣東路魯家務。離州城五十里。畿輔義倉圖

二里。右岸魯家務。通州。

州東南境有西集倉。魯家務北距倉二十一里。

四里。左岸板營口。通州。

香河縣志板營口河。在城西十里。上通密雲昌平兩路水。至此

口入白河。畿輔安瀾志白河逕舊又南流逕牛牧屯。則有紙務

河支分之水。會板營口河入之。又南流。入香河縣境。則有紙務

河。又有牛家河。駱駝港。河新開河。畿輔通志窩陀河在香河縣西北二十里。卽蕭后運糧河

也上通牛欄山窩頭莊水下通三路隄口一由李家坑隄口入北吳村一由明星堂隄口入甘十八隄口一由東凌莊尹家河沙務莊張家灰店南吳村牛家屯入扳營口運河名勝志扳營口河源自通州之孤山麓流逕香河縣西入於白河駱駝港河在香河縣北八里源自三河縣之兔兒山流逕縣界入白河明史河渠志嘉靖十二年香河郭家莊自開新河一遵長百七丈闊五十丈近舊河十里餘詔河官亟繕治一統志扳營口河在香河縣西十里源出通州孤山麓上通密雲昌平路至此入白河牛家務河在通州東北三十里源出牛欄山流逕西趙村西過絳橋至王家擺渡入白河一名絳河紙務河在香河縣西二里流入城濠謹案諸河今多淤廢惟窩頭一河自郭家莊以下向水流交錯耶怡賢親王京東水利奏畧通州煙郊以南之水皆匯於窩頭分為二股一股南入運河一股東流逕香河之吳村匯於百家灣入七里屯達於寶坻查七里屯以上大半淤塞地皆沙鹵難以開鑿若將南流一股疏通深暢則窩頭經流歸於運河分入香河之吳村者無多稍加濬導則亦可免沖溢矣謹案窩頭河水本鮑邱水自潮河絕流於牛欄山故別出窩頭之名通志又云此河水本無源伏流迅發眾流會於窩頭經

江北運程

卷二

畢

香河縣百家灣東與渠水合流東逕七里莊入寶坻縣東過城南之西石橋至王甫莊與鮑邱河會則其下尾仍入於鮑邱惟扳營口支流與白河合又窩頭河之名以經窩頭村而得又謂之窩陀者音聲之變也而畿輔通志又云窩頭河在通州東三十二里周五里許經年不竭多魚鰕之利當是富與窩字形相近而訛耳倘按日下舊聞考蒼頭河今名窩頭河

七省

漕程運河自香河縣扳營口十里至蕭家林十里至和合店二

十里至楊家莊十里至潮縣馬頭十七里至公雞店七里至沙

狐堆六里至保運觀卽李二寺十里至張家灣十五里至通州

日下舊聞考扳營口在香河縣西十里運河之旁每夏秋水漲

通州以南之水皆匯於窩頭河至扳營口入運河非孤山之麓

別有泉源也

倘按名勝志言扳營口河源自通州之孤山麓故舊聞考云然

通州志州境運河

自北關外石埧樓起。至香河縣扳營口交界止。計道一百三十里。下游歸海。其運河上源有岔河三道。東曰白河。源自東北來。西曰富河。源自西北來。入州城東北合流。二河水溜直注石埧樓。匯歸運河。計五十里。又澗澗河一道。源出順義縣牛欄山。流入州境。紆流至窩坨河。由窩坨紆流至香河歸運河。計九十餘里。

右白石埧起至扳營口白河行通州境。計程一百三里。下

入香河縣界。

倘按里數據水程分汛單計之水程細數單作九十九里。通州志作一百三十里。又張公

奏議言通州河道北自石埧起南至香河縣交界止。計程一百十五里。鄭元慶小谷口兩河薛鏡言通州運河道自

江北運程

卷二

吳

香河縣交界起至本州石埧止。長一百一十五里。畿輔安瀾志言通州河或云長一百八十里。或云一百四十餘里。而一統志引舊志以爲一百二十五里。自石埧口以南河道止防志兩河薛鏡皆云一百一十五里。則石埧以北河道止十里耳。太爲近矣。一百八十里又太迂遠。惟一百四十餘里之說近是。漕運所記道里皆起石埧。計程可達。今考河自通州北境之桃園村南流逕平家灘。又南流逕劉家莊。又南流出東浮橋下。與溫榆水合。又南流逕州城東北隅。與通惠河合。又南流逕城東土埧支分穿舊城環新城爲濠。出城東南隅。哈叭橋下。又南流逕南浦牆。又南流逕土橋。又南流抵張家灣。與正河合。其正河自張家灣城北與流逕楊家莊。又南逕溫家莊。屈曲南流至城東灣。城北與州城濠水之支流合。又南流逕張家灣。城南與涼水河合。即舊盧溝橋河支分之泉。又南流出善人橋下。又南流逕銀子窪。又南流逕里二泗。又南流逕舊潮縣之長陵營。又南逕楊家隄。折東流逕馬頭。又東流逕橋兒上。與窩頭河支流合。又東流逕牛牧屯。入香河縣西北境。長一百四十餘里。又按楊鍾秀萬里雲程所載自楊家莊至通州石

五里 埧路程今逆數之由通州石坨起二里土坨二里羅家墳
五里小神廟五里劉古莊五里文家莊二里皇木廠三里
康家溝二里小河口五里燒酒巷九里崔家樓五里馬房
十里新店四里公雞店五里灤河崖五里沙河堆五里灤
縣八里哈哈營十里回回店十里和合店四里楊家窪三
里半邊店五里蕭家林五里板營口計自石坨至板營口
共一百一十九里諸說不同並錄備考 通州東南境河
道北運河中多屈折大致南行稍東自小屯而下大致東
行稍南
皆順流

白河行香河縣自板營口上接通州入境起

〔恂按畿輔安瀾志言北運河隄工長陵營下分東西兩岸香河
縣主簿分管自牛牧屯起至吳家舊寨止長四十四里有奇此
東岸也其西岸則自長陵營起至王家擺渡止長二十七里有

江北運程

卷二

吳

奇爲通州添設州判分管自王家擺渡起至河西務天齊廟止
長三十二里有奇爲武清縣主簿分管此兩岸隄工職掌之不
同也今按畿輔義倉圖王家擺東西兩岸皆在香河縣境又牛
牧屯隄在香河縣雍正五年築

二里 西望莊香河

〔恂按香河縣志作西汪莊云縣有東搬營口隄西汪莊隄又西

汪莊屯在城西十里

四里 右陳辛莊香河

五里 左石灰廠香河在香河縣城之西

恂按石灰廠水程細數單作香河縣馬頭香河縣志石灰廠屯在城西十里。

一統志香河縣在府東南一百二十里東西距四十五里南北距五十五里東至寶坻縣界三十里西至通州界十五里南至武清縣界二十五里北至三河縣界三十里東南至武清縣崔黃口營七十里西南至武清縣治六十里東北至薊州界九十里西北至通州治七十里唐武清縣地遼析置香河縣屬析津府宋宣和中改曰清化金仍曰香河屬大興府元至元十三年分屬灤州明洪武十年省入灤縣十三年復置屬順天府今因

江北運程

卷二

辛

之圖志香河縣以縣東香河爲名畿輔通志香河在香河縣東俗名長溝水有香氣縣以此得名圖經志書縣東南濱水多生芰荷夏秋之間其香馥郁因名香河蒼叢香河縣黃山北聳白水西來縣南四十里爲龍灣又南爲小龍灣遼之運河也香河縣志縣舊爲土城明正德二年始易以甌嘉靖四十二年知縣事范經增高之城門四東曰淑陽南曰永明西曰迎恩北曰拱極日下舊聞考城於乾隆三十二年重修南門額改曰永清餘仍舊漕河圖志香河縣城在漕河之東八里圖經志書白潞河卽運在香河縣城西八里香河縣志有火燒屯隄石灰廠隄紙

務河在城西二里。水泛則上通火燒屯隄口。石灰廠隄口。下入本縣城河內。本縣城河水泛。則上通四路隄口。一廿十八。一火燒屯。一石灰廠。一甄家店。水在城東北角出。由胡家莊入白廟。蕭后運糧河。畿輔義倉圖。香河縣西南境有謝家屯倉。石灰廠當城之西。西南距倉十里。

元宋娶香河偶成朔風吹定曉霜清獨坐寒廳日轉檻怪得無人來訴訟羽林獵騎盡還營

七里。右岸王家樓。香河

三里。右岸王家擺。香河

香河縣志有羅家屯隄。秦家屯隄。甄家屯隄。狼兒窩隄。西河鋪江北運程

卷二

五

上隄。王家擺渡隄。靳家莊隄。埂子上隄。畿輔義倉圖。香河西南境有謝家屯倉。王家擺西距倉五里。明神宗實錄。萬曆三年。巡撫順天都御史王一鶚。上弭盜六策。一議定守備汛地。漕河一帶。南起丁字沽。北至王家擺渡。崔黃口。與霸州二字備。分河東西岸而守之。兩岸兩屬。彼此互諉。不若盡屬之崔黃口。而霸州則專以近京要路責之。畿輔安瀾志。北運河隄工。長陵營下分東西兩岸。西岸自長陵營起。至王家擺渡止。長二十七里有奇。係舊灑縣。康熙三十四年。添設州判一員分管。

五里。左岸張家莊。香河

香河縣志葉青店河。在城西南十里。水泛則上通狼兒窩。張家莊運糧河口。下通甄家店。葉家屯。董家屯。三路隄口。畿輔義倉圖。香河西南境有謝家屯倉。張家莊西距倉九里。

一里。左岸華家口北頭。香河

潘季馴河防一覽沿河兩隄如板。營口。火燒屯。通濟廠。東。要兒渡口。王家務。華家口。閻家口。棉花市。豬市口。觀音堂。蔡家口。桃花口。以上隄岸最爲險要。水程分汛。單自和合站至華家口北頭。計程四十三里。張灣下汛所轄。刮板七副。淺夫一百二十六名。標夫六名。

江北運程

卷二

五

二里。左岸紅廟。香河

武清

武清縣志紅廟在坊一里。川瀆異同。河西務又三十里曰紅廟。又十里曰靳家莊。又十里曰搬營口。里道記。河西驛十五里至王家擺渡口。又十里至魯家渡。又五里至紅廟。畿輔義倉圖。香河西南境有謝家屯倉。紅廟西北距倉十二里。

右自板營口起至紅廟。白河行香河縣境。計程二十九里。

下入武清縣界。循按里數據水程分汛單計之水程細數單作二十八里。又張公奏議言香河縣河

道北自通州交界板營店起南至武清縣紅廟村止。計程三十一里。又河防志言香河縣運河隄岸官修長四百一十六丈。民修長一十九丈。又按萬里雲程。板營口十里王家樓。五里黃家灘。五里張家淺。五里狼窩。五里紅廟。計自

江
北
郡
拔習口至紅廟共三十里 香
河縣西境河道大致南行順流

江北運程

卷一

三

江北運程卷一終

河卷大運南谷順流
保藏共二十里 香

